

Transkription von Urkunde HLK 1447a

Ort, Datierung: Lübeck, 1447-04-30

Signatur: Stadtarchiv Hansestadt Lübeck, Niederstadtbuch

Anno (et cetera) . m^o . cccxlvij Jubilate /

Geseke euerdes en moder hanse euerdes den de Junge hans kroger to Slukup / dot warp myt ener barden Clawes prael vnde Godeke bonhoff alse de negesten / vrunde vnde maghe hans Euerdes seligen vor deme Boke hebben bekant dat erer / beider vru(n)de twisschen ene hebben ene fru(n)tlike sone vnde vorbeteri(n)ge vor den / vorscreuen(en) doden hanse euerdes seligen hebben gededinget , to eme gantzen ende / aldus dat de Junge hans kroger vor den doden giffet xx mark lub(esche) pen(n)ge der ge=/seke x mark rede hefft entfangen van hanse krog(er)e erben(omed) alse se ¹ des vor deme / Boke hefft bekant vorder bekennet hans krog(er) dat he vnde sine erue(n) schollen / vnde willen ¹ geseken erben(omed) vnde eren eruen de andern x mark lub(esch) vp paschen erst / komet vthe sinen beredesten guder(e)n betalen vnbeworen ² hir mede de vorscreuen(en) / Geseke Clawes prael vnde godeke bonhoff myt eren eruen magen vnde vru(n)den / vorlaten Jüngen hanse krog(er)e sine eruen mage vnde vru(n)de geboren vnde vngebor(en) / van des vorscreuene(en) doden wegghen hansen euerdes van aller vorder mani(n)ge vnde / wrake leddich vnde losz /

¹ eingefügt

² von “vorder bekennet ... vnbeworen” durchgestrichen